



MODIFICACIÓN DA RESOLUCIÓN DA CONSELLERÍA DE EDUCACIÓN, UNIVERSIDADE E FORMACIÓN PROFESIONAL POLA QUE SE APROBAN AS BASES REGULADORAS E SE CONVOCAN AXUDAS DE MOBILIDADE PARA O ALUMNADO E PERSOAL DE CICLOS FORMATIVOS DE GRAO MEDIO E FP BÁSICA DE CENTROS DOCENTES PÚBLICOS QUE IMPARTEN FORMACIÓN PROFESIONAL E QUE FORMAN PARTE DO CONSORCIO DE MOBILIDADE QUE DESENVOLVERÁ UN PROXECTO KA102 CON MÚLTIPLES BENEFICIARIOS NO MARCO DO PROGRAMA ERASMUS+. PROXECTO 2019-1-ES01-KA102-063732.

O programa arriba referido ten unha duración dende xullo de 2019 ata xullo de 2021. Pola súa banda, a resolución coas bases da concesión de axudas de mobilidades é aplicable durante o período de validez do proxecto. Polo tanto, é necesario establecer unhas datas de solicitude que permitan desenvolver as mobilidades durante o proxecto e que, á súa vez, respecten as necesidades organizativas dos centros e o calendario de xestión da Consellería de Educación, Universidade e Formación Profesional.

A finalidade desta modificación é establecer os prazos de solicitude das mobilidades do programa no período 2019-2021, facilitando o procedemento e maximizando o aproveitamento por parte do alumnado e profesorado.

Artigo único. Modificación da Resolución da Consellería de Educación, Universidade e Formación Profesional pola que se aproban as bases reguladoras e se convocan axudas de mobilidade para o alumnado e persoal de ciclos formativos de grao medio e FP básica de centros docentes públicos que imparten formación profesional e que forman parte do Consorcio de mobilidade que desenvolverá un proxecto KA102 con múltiples beneficiarios no marco do programa Erasmus+. proxecto 2019-1-ES01-KA102-063732

O artigo 5 queda redactado como segue:

<<Artigo 5. *Presentación de solicitudes*

1. Os solicitantes que reúnan os requisitos para participar nesta convocatoria presentarán a solicitude normalizada, segundo o anexo desta resolución, no seu centro educativo nos prazos que o centro estableza.
2. Os/as directores/as dos centros educativos, nos que se van realizar as mobilidades de alumnado ou profesorado, enviarán a súa proposta de selección tendo en conta os criterios establecidos no artigo 4.
3. Os centros enviarán á Consellería a súa proposta de selección de alumnado para realizar a FCT ata o 28 de febreiro de 2020 para mobilidades entre marzo e xuño de 2020; ate o 10 de xuño de 2020 para mobilidades de setembro a decembro de 2020 e ate o 26 de febreiro de 2021 para mobilidades entre marzo e xuño de 2021. Se no momento de levar a cabo a mobilidade o alumnado seleccionado non cumpre os requisitos para cursar a FCT, a súa praza asignarase automaticamente á primeira persoa na lista de espera do seu centro.
4. Os centros enviarán á Consellería os resultados dos procesos de selección de profesorado e alumnado titulado ate o 31 de marzo de 2021.>>